



ГҮЙЦЭТГЭЛИЙН АУДИТЫН ТОВЧ МЭДЭЭЛЭЛ

АУДИТЫН СЭДЭВ:

ОРОН НУТГИЙН ТӨСВИЙН 2024 ОНЫ ХӨРӨНГӨ ОРУУЛАЛТЫН
ТӨЛӨВЛӨГӨӨНИЙ ХЭРЭГЖИЛТ

АУДИТЫН ДҮГНЭЛТ:

1. Хөрөнгө оруулалтын төсөл, арга хэмжээнд эдийн засгийн үр ашиг, нийгмийн ач холбогдлыг тооцоогүй байна.
 - Төсөл, арга хэмжээг ерөнхий нэрээр баталснаас шалтгаалан зарим төсөл, арга хэмжээний санхүүжүүлэх дүнг хэтрүүлэх эрсдэлтэй байна.
 - Хөрөнгө оруулалт дунд болон урт хугацааны хөгжлийн бодлогын зорилтуудтай уялдуулж, эдийн засгийн ач холбогдлоор эрэмбэлсэн нь нотлогдохгүй.

2. Орон нутгийн төсвийн хөрөнгө оруулалтаар төлөвлөлтийн шаардлага хангаагүй төсөл, арга хэмжээг баталсан байна.

- Төсвийн тухай хуулийн орон нутгийн төсвийн схөрөнгө оруулалтын төсөл, арга хэмжээнд тавигдах шаардлагад олон нийтээр хэлэлцүүлсэн байх заалтыг аймаг, сумд хэрэгжүүлээгүй байна.
- Аймгийн орон нутгийн төсвийн хөрөнгө оруулалтаар хэрэгжүүлэх 793,850.0 сая төгрөгийн төсөвт өртөгтэй 147 барилга, байгууламжид хөрөнгийн ашиглалттай холбоотой зардлын тооцоолол хийгээгүй байна.
- Техник, эдийн засгийн үндэслэл хийгдсэн, зураг төсвийг батлуулсан байх шаардлагыг хангаагүй нийтлэг зөрчил давтагдсаар байна.

3. Батлагдсан зарим төсөл, арга хэмжээ нь өмчлөлд шилжихгүй зардлын шинжтэй, байгууллагын урсгал зардлын хэлбэртэй байна.

- Орон нутгийн төсвийн хөрөнгө оруулалтаар зардлын шинж чанартай 4,613.5 сая төгрөгийн 13 төсөл, арга хэмжээг аймаг, сумд баталсан байна.

4. Аймгийн хөрөнгө оруулалтаар 2024 онд хувийн хэвшилтэй хамтран ажиллах, эргэн төлөгдөх нөхцөлтэй хүүгүй зээл олгосон байна. Үүнд:

- "Шохойн чулууны болон бусад барилгын материалын үйлдвэр байгуулах, зураг, төсөл, боловсруулах" 1,800.0 сая төгрөг,
- "Нутгийн үйлдвэрлэгч хөтөлбөрийг хэрэгжүүлж ингэний сүү боловсруулах үйлдвэр байгуулах, ашиглалтад оруулах зорилгоор Ингэний сүүний кластерийн бодлогыг хэрэгжүүлж, сүү бэлтгэн нийлүүлэх түүхий эдийн сүлжээ бүрдүүлэх" 1,500.0 сая төгрөг,
- "Өмнөговь аймгийн Даланзадгад суманд асфальтын үйлдвэр байгуулах" 4,039.2 сая төгрөг

5. Аймгийн төсвийн хөрөнгө оруулалтаар хэрэгжүүлсэн 12 их засварт 30.0 сая төгрөгийн зохиогчийн хяналтын зардлыг төсөв зохиогчдод олгосон байна. Энэ нь Барилгын тухай хуулийн 4 дүгээр зүйлийн 4.1.329 -т заасантай нийцэхгүй байна.



ГҮЙЦЭТГЭЛИЙН АУДИТЫН ТОВЧ МЭДЭЭЛЭЛ

АУДИТЫН ДҮГНЭЛТ:

6. Зарим төсөл, арга хэмжээний гүйцэтгэлд илэрсэн зөрчил хөрөнгө оруулалтын үр дүнг бууруулж байна.

- Аудитын явцад төсвийн хөрөнгө оруулалтаар хэрэгжүүлсэн зарим төсөл, арга хэмжээнд дараах зөрчлүүд илэрлээ. Жишээ нь:

-Аймгийн төсвийн 2,677.2 сая төгрөгийн хөрөнгөөр хэрэгжүүлсэн Хүрмэн сумын уурын зуухны барилгын нүүрс татагч туузан дамжуулагчийн налуу огцом тул нүүрс налуугаар зөөгдөх үедээ буцаж унаж хаягдал гардаг, үнс буулгах, ачих хэсгийн талбайг стандартаас бага хэмжээтэй хийсэн нь шанагат машин багтах боломжгүй байна.



- "Шинэ мянган айл орон сууцны хөтөлбөрийн хүрээнд Номгон, Ноён сумдад 10 айлын орон сууц барих ажил"-ын гүйцэтгэл улирлаас шалтгаалсан түр зогсолт хийхдээ "Хамгаалалтын горим"-ыг мөрдөж ажиллаагүй байна.

- Даланзадгад сумын 24 дүгээр цэцэрлэгт өргөтгөлийн барилгын хана, дам нурууны заагаар ноцгой ан цав үүссэн, багш ажилчдын ариун цэврийн өрөөний шугам хоолойнд эвдрэл гарсан, налуу шатыг зураг төслийн дагуу хийж гүйцэтгээгүй байхад комисс хүлээж авсан байна.



-Далан булгийн цэцэрлэгт хүрээлэнгийн Сургалт, мэдээллийн төвийн барилгын зураг төсөв (ТЭЗҮ) 2022 онд магадлалаар орсон ч шаардлага хангаагүй гэж дүгнэн дахин зураг төсөл хийлгэсэн бөгөөд ингэхдээ магадлалын ерөнхий дүгнэлт хийлгээгүй, ажлын тоо хэмжээ өөрчлөгдсөн ч төсөвт өөрчлөлт ороогүй байна. Эрчим хүч, цэвэр, бохир усны холболтын ажлыг гүйцэтгээгүй, цонх, хаалгыг чанаргүй суулгасан байхад улсын комисс хүлээж авсан байна.

7. Төсөл, арга хэмжээний гүйцэтгэлд тавих хяналтыг сайжруулах шаардлагатай байна.

АУДИТЫН ИЛРҮҮЛЭЛТ, ШИЙДВЭР

АУДИТААР НИЙТ 25,417.6 САЯ ТӨГРӨГИЙН ЗӨРЧИЛ ИЛРҮҮЛЖ 25,417.6 САЯ ТӨГРӨГИЙН ЗӨРЧИЛД 24 АЛБАН ШААРДЛАГА, 2 ЗӨВЛӨМЖ ХҮРГҮҮЛСЭН.